

Bosna i Hercegovina
 Federacija Bosne i Hercegovine
 Hercegovačko – neretvanski kanton
 S K U P Š T I N A

Broj: 02-01-VIII-095/20
 Mostar, 01.09.2020. godine

PREDSJEDAVAJUĆI
 Šerif Špago, v.r.

318

Na osnovu člana 39. Ustava Hercegovačko – neretvanskog kantona („Službene novine HNK“, broj: 2/98, 3/98, 4/00 i 7/04), i člana 95. Poslovnika Skupštine Hercegovačko – neretvanskog kantona („Službene novine HNK“, broj: 2/05), Skupština Hercegovačko – neretvanskog kantona na sjednici održanoj dana 01.09.2020. godine, donijela je sljedeći

ZAKLJUČAK

I

Turistička djelatnost u HNK je u proteklim mjesecima teško pogođena pandemijom koronavirusa.

Skupština HNK poziva Vijeće ministara BiH da preispita dosada donesene odluke o načinu i režimu ulaska stranaca u BiH, te da otvori granice i olakša ulazak za turiste koji imaju namjeru turistički boraviti na ovim prostorima.

II

Zaključak stupa na snagu danom donošenja, a objaviti će se u „Službenim novinama Hercegovačko – neretvanskog kantona“.

Bosna i Hercegovina
 Federacija Bosne i Hercegovine
 Hercegovačko – neretvanski kanton
 S K U P Š T I N A

Broj: 02-01-VIII-096/20
 Mostar, 01.09.2020. godine

PREDSJEDAVAJUĆI
 Šerif Špago, s.r.

VLADA HERCEGOVAČKO – NERETVANSKOG KANTONA

319

Na osnovu člana 16. stav (1) i člana 17. stav (1) Zakona o Vladi Hercegovačko –neretvanskog kantona („Službene novine HNK“ broj: 3/07 i 5/09) i člana 20a. stav 4. Zakona o radu („Službene novine Federacije BiH“, broj: 26/16 i 89/18), Vlada Hercegovačko –neretvanskog kantona je na 126. sjednici održanoj 1.9.2020. godine, donijela

U R E D B U

O IZMJENAMA I DOPUNAMA UREDBE O POSTUPKU PRIJEMA U RADNI ODNOS U JAVNOM SEKTORU HERCEGOVAČKO - NERETVANSKOM KANTONU

Član 1.

U Uredbi o postupku prijema u radni odnos u javnom sektoru u Hercegovačko-neretvanskom kantonu („Službene novine HNK“, broj: 4/19 i 5/19) u članu 6. u stavu (1) tačka a) mijenja se i glasi:

„a) otkaza s ponudom izmijenjenog ugovora o radu za radno mjesto za koje je radnik ispunjavao uslove u pogledu stručne spreme u momentu zasnivanja radnog odnosa, s tim da ispunjava uslov potrebnog radnog iskustva za ponuđeno radno mjesto, izuzev izmjene u pogledu trajanja ugovora o radu“.

U članu 6. u stavu (1) iza tačke c) dodaje se tačka d) koja glasi:

„d) prijema u radni odnos na određeno vrijeme po programima zapošljavanja službi za zapošljavanje koji se provode shodno Zakonu o posredovanju u zapošljavanju i socijalnoj sigurnosti nezaposlenih lica“.

Član 2.

U članu 7. u stavu (3) iza riječi „kantonu“, briše se tačka, dodaje zarez i riječi „kao i lica koje po drugim važećim zakonima imaju prioritet u zapošljavanju, ukoliko ispunjavaju opće i posebne uslove radnog mjesta“.

Član 3.

Član 9. mijenja se i glasi:

„Član 9

(1) Poslodavac imenuje Komisiju za izbor kandidata za prijem u radni odnos (u daljem tekstu:

Hercegovačko-neretvanskog kantona

Komisija), najkasnije u roku od 8 dana od dana isteka roka za dostavljanje blagovremenih prijava na javni oglas.

(2) Komisija se sastoji od tri člana. Članovi Komisije se imenuju iz reda zaposlenih i moraju imati najmanje isti stepen stručne spreme kao i kandidat za čiji je prijem u radni odnos objavljen javni oglas. Ukoliko poslodavac ne može imenovati Komisiju iz reda zaposlenih zbog nedostatka zaposlenih s odgovarajućom stručnom spremom, isti se mogu imenovati iz reda zaposlenih njegovog osnivača. Administrativno-tehničke poslove za Komisiju obavlja tehnički sekretar koga imenuje poslodavac iz organizacione jedinice koja se bavi pravnim i personalnim poslovima kod poslodavca.

(3) Poslodavac je dužan najkasnije u roku od 3 dana od dana imenovanja Komisije objaviti podatke o imenima i prezimenima članova Komisije i njihovoj stručnoj spremi na svojoj oglasnoj tabli i na web stranici.

(4) U slučaju kada je javni oglas objavljen radi popunjavanja više radnih mjesta, poslodavac može imenovati jednu ili više Komisija.

(5) Članovi Komisije u svom radu moraju biti nezavisni i nepristrasni, te se pridržavati načela javnosti i zakonitosti rada shodno ovoj Uredbi.

(6) Komisija je obavezna najkasnije u roku od 8 dana od dana imenovanja održati prvu sjednicu na kojoj će usvojiti Poslovnik o radu i izabrati predsjedavajućeg iz reda članova Komisije“.

Član 4.

Član 10. mijenja se i glasi:

„Član 10.

(1) Član Komisije je obavezan podnijeti zahtjev za izuzeće rada u Komisiji, ukoliko je član Komisije srodnik nekog od prijavljenih kandidata u pravoj, pobočnoj i tazbinskoj liniji do drugog stepena.

(2) Zahtjev za izuzeće član Komisije podnosi odmah po saznanju, a najkasnije u roku 3 dana od održavanja prve sjednice Komisije, uz navođenje razloga za traženje izuzeća.

(3) Kandidat čija je prijava uredna, potpuna i blagovremena, odmah po saznanju postojanja razloga za izuzeće iz stava (1) ovoga člana, može od poslodavca zatražiti izuzeće člana Komisije, navodeći okolnosti i razloge podnošenja zahtjeva.

(4) O zahtjevu za izuzeće iz stava (1) i stava (3) ovog člana odlučuje poslodavac najkasnije u roku od 5 dana od dana prijema zahtjeva.

(5) Protiv odluke poslodavca o zahtjevu za izuzeće iz stava (4) ovog člana, žalba nije dopuštena, ali razlozi

za njeno osporavanje se mogu isticati u prigovoru protiv prvostepene odluke o prijemu u radni odnos“.

Član 5.

U članu 11. u stavu (1) u zagradi umjesto broja (5), treba da stoji broj (6).

Stav (2) mijenja se i glasi:

„ (2) Neuredne, nepotpune i neblagovremene prijave Komisija će odbaciti zaključkom uz obrazloženje istoga, uz obavezu dostave zaključka kandidatu.

Iza stava (2) dodaje se stav (3) koji glasi:

„(3) Protiv zaključka iz stava (2) žalba nije dopuštena, ali se može zatražiti inspekcijski nadzor shodno članu 20. stav (2) Uredbe, kao i pokrenuti postupak za njegovo preispitivanje tužbom kod nadležnog suda u roku od 30 dana od dana prijema“.

Član 6.

U članu 12. u stavu (3) iza riječi „ispitu“ dodaju se riječi „ ili intervjuu shodno Pravilniku o radu ili drugom općem aktu poslodavca“.

U stavu (4) u drugoj rečenici iza riječi „provede“ brišu se riječi „i pismeni i/ili praktični ispit“, a dodaju riječi „ pismeni, kao i praktični ispit“.

Stav (6) mijenja se i glasi:

„(6) Komisija će o vremenu i mjestu održavanja svih faza izbornog procesa obavijestiti kandidate pismenim putem na adresu kandidata, kao i putem e-mail adrese, ukoliko je navedena u obrascu prijave iz člana 8. stav (1) ove Uredbe i to najmanje 5 dana prije održavanja ispita, odnosno provođenja intervjuu shodno Pravilniku o radu ili drugom općem aktu poslodavca.

Član 7.

U članu 14. stav (3) se briše.

Član 8.

U članu 15. u stavu (3) druga rečenica se briše.

U stavu (4) riječi „ili sličnog“ se brišu.

Stav (5) mijenja se i glasi:

„ (5) Način provođenja usmenog ispita i ocjenjivanje kandidata uređuje se Pravilnikom o radu ili drugim općim aktom poslodavca, te se isti odnosi na opis poslova radnog mjesta, a po potrebi se može odnositi na djelatnost poslodavca i na dosadašnje radno iskustvo kandidata.

Stav (6) i (7) se brišu.

Član 9.

U članu 16. u stavu (4) iza riječi „Odluke“ dodaju se riječi „o izboru“ kandidata.

Hercegovačko-neretvanskog kantona

U stavu (5) riječ „najuspješniji“ zamjenjuje se riječju „izabranim“.

U stavu (6) u trećem redu, iza riječi „Uredbe“, dodaje se zarez i riječi „ukoliko kandidat nije izjavio prigovor“.

Član 10.

U članu 18. u stavu (3) riječi „istog“ se brišu, a dodaju riječi „posljednjeg blagovremenog prigovora“.

Član 11.

„Član 21. mijenja se i glasi:

(1) Novčanom kaznom u iznosu od 1.000,00 KM do 3.000,00KM kaznit će se poslodavac, ako:

1. izvrši prijem u radni odnos bez provedene procedure javnog oglašavanja iz člana 5. stav (1) ove Uredbe, izuzev slučajeva iz stava (1) člana 6. ove Uredbe,
2. postupi suprotno stavu (2) i (3) člana 5.ove Uredbe,
3. javni oglas ne dostavi nadležnoj službi za zapošljavanje prema sjedištu poslodavca, najkasnije na dan njegove objave/ član 5. stav (4) ove Uredbe/
4. izvrši prijem kandidata u radni odnos koji ne ispunjava opće i posebne uslove za odgovarajuće radno mjesto, odnosno izvrši prijem kandidata ne poštujući prioritet kod izbora/član 7. stav (1) tačka c) i stav (3)/,
5. raspiše javni oglas suprotno članu 7. stav (1) i (2) ove Uredbe,
6. postupi suprotno stavu (2) i (3) člana 9.ove Uredbe,
7. postupi suprotno članu 16. stav (3) i (4) ove Uredbe,
8. ne zaključi ugovor o radu s izabranim kandidatom najkasnije u roku od 8 dana od dana konačnosti Odluke o izboru kandidata/ član 16. stav (5) Uredbe/,
9. ne omogući kandidatu uvid u dokumentaciju u vezi provedene procedure prijema u radni odnos /član 17. stav (2)/ ove Uredbe,
10. postupi suprotno članu 22. ove Uredbe,
11. u roku od 60 dana od dana od dana stupanja na snagu ove Uredbe ne uskladi Pravilnik o radu ili druge opće akte kojima je uređena procedura prijema u radni odnos /član 23. stav (1) ove Uredbe/,
12. postupi suprotno članu 23. stav (2) ove Uredbe.

(2) Za prekršaje iz stava (1) ovog člana kaznit će se i odgovorno lice kod poslodavca novčanom kaznom u iznosu od 500,00 KM do 1.000,00 KM.

(3) Novčanom kaznom u iznosu od 100,00 KM do 500,00 KM kaznit će se član Komisije koji odmah po saznanju ne zatraži izuzeće kao člana Komisije izrazloga utvrđenih u članu 10. stav (1) ove Uredbe.

(4) Novčanom kaznom u iznosu od 100,00 KM do 500,00 KM kaznit će se članovi Komisije, koji suprotno članu 8. ove Uredbe utvrde da je prijava kandidata neuredna, nepotpuna ili neblagovremena/ član 11. stav (2) Uredbe/.

Član 12.

Uredba stupa na snagu narednog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina

Federacija Bosne i Hercegovine

HERCEGOVAČKO-NERETVANSKI KANTON

V L A D A

Broj: 01-1-02-1738/20

Mostar, 1.9.2020. godine

P R E D S J E D N I K
dr. sc. Nevenko Herceg,s.r.

320

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 46. Zakona o koncesijama HNK („Službene novine HNK“, broj: 1/13, 7/16, 6/18 i 9/19), a u vezi s tačkom IV Odluke o davanju saglasnosti na prenos koncesije za korištenje poljoprivrednog zemljišta u državnom vlasništvu na području Općine Čitluk („Službene novine HNK“, broj: 1/20), Vlada Hercegovačko-neretvanskog kantona je na 118. sjednici, održanoj 29.1.2020. godine, donijela

O D L U K U
O DAVANJU SAGLASNOSTI NA PRIJEDLOG
UGOVORA O PRENOSU KONCESIJE
ZA KORIŠTENJE POLJOPRIVREDNOG
ZEMLJIŠTA U DRŽAVNOM VLASNIŠTVU NA
PODRUČJU OPĆINE ČITLUK

I

Vlada Hercegovačko-neretvanskog kantona daje saglasnost na Prijedlog Ugovora o prenosu koncesije za korištenje poljoprivrednog zemljišta u državnom vlasništvu na području Općine Čitluk, kojeg će